



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

A Clemente XI. Ad Benedictum XIII.

Luxemburgi, MDCCXLI.

35. Cum sicut Nobis &c. Damnatio & prohibitio librorum sub titulis:
Doctoris Laurentii Pires Carvalho Quæstiones selectæ de Bulla Cruciatæ
Lucitanæ & c. Epitome das Indulgentias, e privilegios da ...

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)

versus aliquem habet, querelam, sicut & Christus donavit Nobis, ut non blasphemetur nomen Domini; sed unanimes honorificemus Deum, & qui una fide jungimur, unitate spiritus; & vinculo pacis invicem copulemur. Datum Romæ apud Sanctam Mariam Majorem sub Annulo Piscatoris die 17. Octobris MDCCVII. Pontificatus Nostri Anno Septimo.

F. Oliverius.

Publicatio.

Anno à Nativitate D. N. Jesu Christi millesimo septingentesimo septimo, Indictione 15, die vero 8. mensis Octobris, Pontificatus Sanctissimi in Christo Patris, & D. N. D. Clementis Divina Providentia Pape XI. Anno Septimo, supradictæ Literæ Apostolica affixa, & publicata fuerunt ad valvas Basilicæ Principis Apostolorum, Cancellariæ Apostolicæ, Curia Generalis in Monte Citorio; in Acie Campi Floræ, ac aliis locis solitis, & consuetis Urbis per me Josephum Staggium Apostolicum Curso-rem.

Pro D. Magistro Curforum Ludovicus Capelli Curf.

XXXV.

DAMNATIO

Et prohibitio librorum sub titulis: *Doctõri Laurentii Pires Carvalho Questiones selecte de Bulla Cruciatæ Lucitaniae &c. Epitome das Indulgencias, e Privilegios da Bulla da Sancta Cruzada reparado pera maior clareza em titulos pellas Indulgencias, e diversas facultades, que contem com alguãs advertencias no principio, composto por Lourençõ Pirez de Carvalho &c.*

CLEMENS PAPA XI.

Ad perp
eternam
rei memoriam

Cum, sicut Nobis innotuit, in lucem prodierint ante aliquot annos duo Libri, unus quidem in duos tomos divisus sub titulo infrascripto, videlicet, *Doctõri Laurentii Pires Carvalho Questiones selecte de Bulla Cruciatæ Lucitaniae, Pars prior- & posterior. Ulyssippona 1698.*; alter vero Lucitanico idiomate editus, cui titulus: *Epitome das Indulgencias, e Privilegios da Bulla da Sancta Cruzada reparado pera maior clareza em titulos pellas Indulgencias, e diversas facultades, que contem com alguãs advertencias no principio; composto por Lourençõ Pirez de Carvalho do Conselho de sua Magestade deputado do Tribunal da Consciencia, e Ordens, e do Conselho dos tres estados, Commissario Geral da Bulla da Sancta Cruzada nestes Reinos, e dominios de Portugal. Lisboa 1696.* Et Venerabiles Fratres nostræ S. R. E. Cardinales in totâ Republicâ Christiana contra Hæreticam pravitatem generales Inquisitores à Sede Apostolicâ specialiter deputati auditâ librorum hujusmodi censurâ sibi relatâ illos damnandos, & prohibendos esse censuerint. Hinc est, quod Nos pro commissâ Nobis divinitus gregis dominici curâ Anninarum periculis, atque detrimentis, quæ ex eorundem librorum lectione, & usû provenire possent, pastorali sollicitudine, quantum cum Domino possumus, occurrere volentes, de memoratorum Cardinalium consilio, ac etiam Motu proprio, & ex certa scientia, ac matura deliberatione nostris, deque Apostolicæ potestatis plenitudine, libros supradictos, & eorum quemlibet tenore

Bullar. Rom. Continuat. Pars II.

præsentium damnamus, & reprobamus, ac legi, & retineri prohibemus, ipsorumque librorum, & eorum cujuslibet impressionem, descriptionem, retentionem, lectionem, & usum omnibus, & singulis Christianis fidelibus, etiam specificis, & individua mentione, & expressione dignis, sub pœna excommunicationis per Contrafacientes ipso facto absque alia declaratione incurrendâ, à quâ nemo per quemquam, nisi per Nos, seu Romanum Pontificem pro tempore existentem, præterquam in mortis articulo constitutus, absolvi possit, omnino interdicimus. Volentes, & Apostolicâ auctoritate præcipientes, ut quicumque libros prædictos, vel aliquem eorum penes se habuerint, illos, seu illum, statim atque præsentem literæ ad eorum notitiam pervenerint, teneantur tradere, atque consignare locorum Ordinariis, vel Hæreticæ pravitatis Inquisitoribus, qui exemplaria sibi tradita illicdè flammis aboleri curent. In contrarium facientibus non obstantibus quicumque. Caterum, ut ipsæ præsentem literæ omnibus facilis innotescant, nec quisquam illarum ignorantiam valeat allegare, volumus pariter, & auctoritate præfata decernimus, ut illæ ad valvas Basilicæ Principis Apostolorum, ac Cancellariæ Apostolicæ, nec non Curia generalis in Monte Citorio, & in Acie Campi Floræ de Urbe per aliquem ex Curforibus nostris, ut moris est, publicentur, illarumque exempla ibidem affixa relinquantur; Sic verò publicatæ omnes, & singulos, quos concernunt, perinde afficiant, & ardeant, ac si unicuique illorum personaliter intimatæ, & notificatæ fuissent: utque earundem præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiasticâ dignitate constitutæ munitis eadem prorsus fides ubique locorum tam in iudicio, quàm extra illud habeatur; quæ haberetur ipsis præsentibus, si forent exhibitæ, vel ostensæ. Datum Romæ apud Sanctum Petrum sub Annulo Piscatoris die 19. Decem. 1707. Pontificatus Nostri Anno Octavo.

F. Oliverius.

Publicatio.

Anno à Nativitate D. N. Jesu Christi millesimo septingentesimo septimo Indictione 15, die vero vigesima Decembris, Pontificatus Sanctissimi in Christo Patris, & D. N. D. Clementis Divina Providentia Pape XI. anno octavo, supradictæ Literæ Apostolica affixa, & publicata fuerunt ad valvas Basilicæ Principis Apostolorum, Cancellariæ Apostolicæ, Curia Generalis in Monte Citorio, in Acie Campi Floræ, ac aliis locis solitis, & consuetis Urbis per me Antonium Placentinum Apostolicum Curso-rem.

Nicolatis Vasellus Pro Mag.

DECLARATIO

XXXVI.

Nullitatis Electionum duorum Administratorum Ecclesiarum Gnesnensis, & Uladislavien- sis ab illarum Capitulis, & Canonicis per abusum laicalis potestatis ac in præjudicium modernorum Archiepiscopi Gnesnens., & Episcopi Uladislavien. respectivè factarum, necnon quorumcumque inde secutorum, & secutorum, cum illorum damnatione, revocatione, & abolitione, ac cum aliis diversis ordinationibus, & decretis super eadem materiâ.